



UNIVERSITÄTS-
BIBLIOTHEK
PADERBORN

Universitätsbibliothek Paderborn

DE || LIBERTATE || CHRISTIANA ||

Lensaeus, Johannes

Antverpiae, 1590

Capvt I. Quid sit Christiana libertas, quibusq[ue] partibus cons[is]tet.

[urn:nbn:de:hbz:466:1-46059](#)

stianorum: neque ea frui alij quām ij qui in Christum
verē ac penitus credant, vlo modo possint. His itaque
solis potestatem dedit, filios, ac proinde liberos fieri,
qui non ex sanguinibus, neque ex voluntate carnis, sed
ex Deo nati sunt.

Ioannis I.

CAPUT I.

Quid sit Christiana libertas, quibusq; partibus consistet.

ST autem Christiana libertas (ut ab ipsa definitione totius tractationis nascaturer-
ordium) qua quis cupiditatis dominatu-
liberatus, atque ab ipso quoque peccat-
reatu, seu vinculo damnationis exsolutus, diuinis pre-
ceptis lubens obsequitur. Est enim Christiana liber-
tas, non ab illa naturae necessitate qua pecudes impel-
luntur; non à lege, quā & Angeli beati felicissimè con-
stringuntur; sed propriè à malo libertas, quam quoti-
die oratione Dominica petimus, cùm precamur: Libe-
ra nos à malo. Tametsi enim illic in ipso liberādi ver-
bo non sonet ea libertas quæ seruili conditioni oppo-
nitur: ea tamen intelligitur in ipsa re quæ petitur: pro-
pterea quod vlli malo subijci, seruile sit. Cùm autem
tria sint malorum genera quæ nos grauissimè premū-
peccatum, mors, diabolus: tribus partibus intelligitur
nostram constare libertatem, quanquam & bipartita
fieri hoc modo potest. Etenim cùm duo generatim sint
mala, vnum ex quo mali & prani sumus, alterum ei
quo miseri: pars vna est nostræ libertatis, qua libera-
mur à peccato, eoque ipso à diabolo: altera qua è mi-
seria educimur. vtramque D. Augustinus expressit,
cùm ait in Enchiridio: Quæ maior est post ruinam
misericordia Dei, quando & ipsum liberum arbitrium
liberandum est à servitute, cui dominatur cum morte
peccatum? verū in posterior illa pars libertatis, in spe hit
obtinetur, nondum in re. Spe enim salvi facti sumus.
Tunc

Cap. 106.

Tunc vero demum suis numeris erit absoluta libertas, cùm & ipsa creatura, quæ hic vanitati subiecta fuerat, liberabitur, quemadmodum Apostolus ait, à seruitute *Rom. 8.* corruptionis, in libertate gloriæ filiorū Dei. Itaque gratia quidem libertate, qua iustitiae seruitur, Christique liberatoris suave portatur iugum, hic vtcūque Dei beneficio fruimur. Gloriæ vero libertas, futuri seculi est; cùm mortale hoc induerit immortalitatem, & corruptibile hoc corpus, quod circumferimus, induerit incorruptionem. Vnde Isidorus, Qui nunc, inquit, filiorum Dei nomine homines fideles vocantur, tamen ex eo quod hanc seruitutem corruptionis patiuntur, adhuc iugo seruitutis addicti sunt: accepturi plenam filiorum Dei libertatem, dum corruptibile hoc induerit incorruptionem. Tunc enim continget exspectata illa redemptio corporis nostri, hoc est, perfecta consummataque gloria: neque vero simplex libertas, sed planè talis, ait Chrysostomus, ut non simus denudo ad priorem seruitutem renversuri. Propter te enim, ait Ambrosius, suscepit Christus mortis seruitutem, ut tibi trubueret vitæ æternæ libertatem.

Lib. 1. de summe bono, c. 29.

*Serm. 14. in
Epist. ad Rom.
In Psal. 118.
Serm. 18.*

CAPUT II.

Quæ sit Christianæ libertatis ratio, ex diuinis literis ostenditur.

CVM igitur multiplici seruitute genus hominum premeretur: cupiditati turpiter obsecundans, dia-bolo perniciosè subditum, morti miseranda necessitate obnoxium: neque suppeteret in humanis quidem auxiliis, vnde iugum hoc suis ab humeris reiiceret: missus est liberator Christus, qui antiquæ captivitatis vincula dissolueret, ex quo suprà demonstauimus, libertatem nominari Christianam: quæ nihil aliud est quam regni cupiditatis eversio, principis tenebrarum è credentium cordibus electio, & beatæ immortalitatis hinc quidem spes certa, post hanc vero vitam secunda possesso.